

Kursus baru

Grak 17

pencah silat
KUMPULAN silat Grak 17 akan memulakan kursus yang baru tidak lama lagi dan ia dibuka kepada orangramai. Ia akan dipimpin oleh Encik Basri Alang. **18 FEB 1981**

Mereka yang ingin menyertai kelas itu boleh mendaftarkan diri di rumah Persatuan Bawean Singapura, Blok 1, 330-D, Balestier Shopping Complex, setiap Isnin, Khamis dan Sabtu, antara 8.00 dengan 10.00 malam. Keterangan lanjut boleh didapati dari Encik-Encik Alias Baba (telefon 2547171) atau Mohd Raffie (7778947).

Majlis Silat Negara akan ditubuh

25 FEB 1981

pencah silat

KUALA LUMPUR, Sel. — Majlis Seni Silat Negara akan ditubuhkan tidak lama lagi dalam usaha meningkatkan seni tradisi itu ke taraf nasional.

Majlis ini akan menggabungkan semua jenis silat untuk memberi peluang lebih ramai menyertainya.

Menteri Kebudayaan, Belia dan Sukan, Datuk Mokhtar Hashim memberitahu demikian ketika merasmikan pertunjukan Seni Silat Perdana di sini semalam.

Pertunjukan sehari anjuran Persatuan Seni Silat Cekak dengan kerjasama Persatuan Mahasiswa Universiti Kebangsaan Malaysia dan Kementerian Kebudayaan, Belia dan Sukan.

Pertunjukan perdana itu akan diadakan setiap tahun sebagai langkah memperkemaskan kesenian mempertahankan diri.

"Ia juga akan dipersembahkan di upacara rasmi termasuk pertunjukan peringkat kebangsaan dan di hadapan tetamu asing yang berkunjung ke negara ini," jelasnya.

Bellau berkata, fungsi seni silat tidak harus disalah ertikan.

"Seni silat ialah satu bentuk persembahan yang bertujuan menggalakkan orangramai mempelajarinya," katanya.

Turut hadir di upacara perasmian itu ialah Naib Chanselor Universiti Kebangsaan Malaysia yang juga penaung pertunjukan itu, Prof. Datuk (Dr.) Awang Had Salleh.

Persisi

anjur lagi

28 FEB 1981
ekspo

pencah silat
PERSEKUTUAN Silat Singapura (Persisi) akan menganjurkan eksposisi perdagangan dari 13 Mac hingga 18 April dengan matlamat untuk memungut tidak kurang dari \$30,000, bagi mengisi dana kegiatannya.

Eksposisi yang dijangka akan mempunyai kira-kira 45 gerai itu akan diadakan di sebuah tanah lapang dekat simpang Eunus Road 5 dengan Eunus Road 8 (yang dulunya merupakan sebahagian dari Lorong Engku Aman).

Setiausaha agung Persisi, Encik Johari Uriff, menerangkan bahawa beberapa acara menarik akan diadakan pada tiap hujung minggu sepanjang eksposisi itu.

Ghazal

Antaranya ialah pertunjukan pencak silat oleh kerabat-kerabat Persisi, adubakat, peraduan bina badan dan pertandingan ghazal.

Mengenai pertandingan ghazal, Encik Johari menerangkan, ia hanya akan dijalankan sekiranya sambutan dari pasukan-pasukan ghazal tempatan adalah baik.

Ini adalah kali ketiga Persisi menganjurkan eksposisi dagang serupa ini.

Mereka yang ingin menyertainya boleh membuat permohonan kepada persekutuan itu, Apt. 10, 2731F, Eunus Crescent, atau kepada Encik Johari (telefon 7458669), Encik Jaafar Haji Yaacob (telefon 4424669) atau Encik Ismaon Haji Ali (telefon 2204541).